

張右史文集

二

開化圖書館  
Kaohsiung Library



開化圖書館

Kaishwa Library



開化圖書館

Kaohua library



開化圖書館

Kaishua library



張右史文集卷第二

賦

涉淮賦

涉清淮之浩蕩兮聊以豁吾之幽憂轉峽石  
而下泛兮觀波濤之復流何佛廟之巍峨兮  
隱兩山之幽眺東崖之飛閣兮納萬里之  
清秋昔淮人之倔強兮恃江左而不賓方中  
原之多故兮遂竊帝而稱隣遭世宗之勃興  
兮乘累聖之威神盡疾馳而奉命兮戈二揮



而遂臣始盤桓于壽春兮蓋嘗挫而益振驅  
貌虎于順流兮臨長江之廣津馳千里之玉  
帛兮擁百萬之精軍計其一時之氣兮固叱  
咤而風雲嗟百年之幾時兮山川儼其如新  
忽人事之幾變兮撫墟廟而湮淪訪遺事于  
樵夫野人之談說指餘迹于荒城故壘之荆  
榛徒見夫雲悠悠而朝出水渚而東流飛  
沙鷗于晴渚聽夜鶻于行舟彼時豪盛此日  
廢昔人功業今人愁嗟夫旦之心暮不可求



前之迹後不可再胡為寂寥之前古乃以興  
亡而感慨雖物至盛者其存也宜久勢極大  
者其亡也可驚方登臨而遠想豈獨予兮忘  
情

涉淮後賦有序

余甲寅之秋自正陽涉淮作涉淮賦既至泗  
之臨淮邑之東南皆淮也朝游夕濟凡淮之  
驚畏風濤之變無不歷之矣今秋又以事之  
東海至漣水入漣河舟人告余曰淮水自是



入海矣予生二十有二年吳楚秦蜀之國來  
往殆徧竊悲其跡之不常作後涉淮賦以自  
廣云

浩淮流之湯々兮蕩余舟以沿洞嗟我居之  
不常兮未暮歲而再來始進棹于正陽兮睨  
下蔡之窮城界陳許之北壤兮望荆塗之兩  
山緬川原之迴復思萬功而慨然爰係舟于  
徐邑兮浸淮隅之兩壖駕長帆于朝風兮凌  
星河于夜湍豈所覽之未周兮恨未窮其本



原忽行役而南去兮稅吾楫于清漣指溟渤  
于西北兮曰此淮流之所還彼百川之歸海  
兮吾固知其必然惟循源而極末兮哀余迹  
之未安當天時之晚秋兮風露慘愴其既至山  
峭々而瘦出兮水紺潔而無滓曳孤輪而忽  
驚兮出游鱸于短葦白鷺飛而下來兮翩如  
避世之君子酒芳香而盈盞兮吾陶々而日  
醉方頽然而遺形兮孰卑高而賤貴彼貴者  
樂其府兮富者懷其資無二者之累余兮何



石 文 卷 一  
三  
羈游之足悲窮天下之竒觀兮極覆載之所  
藏膏吾車而勿反兮畢吾世而徜徉

雨望賦

談海天之蒼茫觀驟雨之電霈飄風擊而雲  
奔曠萬里而一殺卒然如百萬之卒赴敵驟  
戰兮車旗崩騰而矢石亂至也已而餘飄既  
定盛怒已泄雲逐々而散歸縱橫委乎天末  
又如戰勝之兵整旗就隊徐驅而回歸兮杳  
然惟見夫川平而野濶夫雲霞風月之客雷



雨電電之變非巧力之能為益人間之絕觀  
必也登雄樓杰閣之崢嶸憑高山巨海之空  
曠徹除耳目之障蔽而後能窮極變化之奇  
狀嗟我居之卑湫兮束視聽于尋丈顧所欲  
之莫得兮徒臨風而惆悵

暮秋賦

嗟余志之莫就兮哀天時之不予謀歲冉冉  
以將暮兮無以蕩吾之幽憂昔吾之既有知  
兮獨信道而不顧鞭吾駒之不戒兮眇一世



而獨驚儼章甫以自好兮安知越人之異容  
恃所持之不欺兮謂彼此之情同夫何事物  
之多故兮因少愚而老智彼善惡豈有常兮  
固繫夫一世之賤貴或指礫以為玉兮人皆  
知其不然衆既訛而莫返兮事隨信而名遷  
偽言實于衆舌兮至寶賤于獨知正無助者  
必危兮惡乘朋而或濟決大河而東奔兮挽  
余舟而上沂嗟爾楫之幾何兮蛟龍鬱其方  
怒外既揆而度內兮考舊好之同異齟九襲



以深藏兮固可死而不可試  
卷杜蘅之幽佩兮  
芑芳蘭之翠衣  
畏九畜之不揚兮  
時竊陳以自戲  
怨所資之不售兮  
非達人之宏規  
彼廢興之有命兮  
何憂樂之足係  
奏吾琴之憤怨兮  
酌吾酒之冽清  
攬芳桂與秋菊兮  
聊以駐吾之頽齡  
吾又將之夫深山兮  
遂絕世而遠去身  
九浴而後衣兮  
齒三滌而後咀  
納冰霜于胸中兮  
蕩焦膈之宿汚  
求仙人之奇術兮  
與彭咸乎為伍  
彼君子之蹈道兮  
曷急世



之有知聊逍遙以卒歲兮樂天命而不疑

超然臺賦有序

蘇子瞻守密作臺于園命以超然  
命諸公賦之余在東海子瞻令劉

貢父  
來命

或有疑于超然曰古之所謂至樂者安能自  
名其所以然耶今夫鳥之能飛獸之能馳與  
夫人之耳目手足視聽動作自外而觀之者  
豈不以為大樂乎然鳥獸與人未嘗自以為  
樂也古之有道者其樂亦然又安能自名其



所以然耶彼方自以為超然而樂之則是其  
心未免夫有累也客有應之曰吾豈以子之  
言非耶吾方有所較而後知超然者之賢也  
予視世之賤丈夫方奔走勞役守塵壤握垢  
穢嗜之而不知厭而超然者方遠引絕去芥  
視萬物視世之所樂不動其心則可不謂賢  
耶今夫世之富人日玩其金玉而樂之是未  
能富也忘其所有而安之是真能富矣夫惟  
有之是以貴其能忘之使其無有則將何所



忘耶予以謂將忘超然為真超然則其初必  
有樂乎超然而後忘可能也予以謂樂夫世  
之樂者乎然則子亦安知夫名超然者果非  
能至樂者也賦曰  
登高臺之岌岌兮曠四顧而無窮環群仙于  
左右兮瞰大海于其東棄塵壤之喧卑兮揖  
天半之清風身飄飄而欲舉兮招飛鶴與翔  
鴻莽丘原之茫茫兮弔韓侯之武功提千乘  
之富強兮憑百勝而稱雄忽千年而何有兮



哀墟廟之榛蓬有物必歸于盡兮吾知此臺  
之何恃惟廢興之相召兮要以必毀而後正  
彼變化之無窮兮嗟其偶存之幾何聊徵樂  
于吾世兮又安知夫其他或有疑夫超然者  
兮豈其知道而未純曰彼天下之至樂兮又  
安能自名其所以然惟樂而不知所以樂兮  
此其所以為樂之全彼超然而獨得兮是猶  
存物我于其間客有復之者曰子知至樂之  
無名兮是未知世之所可惡世方奔走于物



外兮蓋或至死而不顧眇如醯雞之舞甕兮  
又似乎青蠅之集汙衆皆旁視而笑兮彼獨  
守而不能去較此樂于超然兮謂孰賢而孰  
愚何善惡之足較兮固天淵之異區道不可  
以直至今終冥合乎自然子又安知夫名超  
然者果不能造至樂之淵乎

鳴蛙賦 有序

余寓山陽學舍夏大雨屋四隅成塘聚蛙以  
千計聲鳴不絕夜為不能寐客有獻予以殺



蛙之術曰投余藥一丸蛙無遺類矣童子將用之予曰不可復為賦示之

夏雨初止積潦過尺有蛙百千更跳五出幸此新霽夜月清溢我勞其休歸偃于室于時蛙鳴若嘯若啼若訴若歌若懼若悲若喜而語若怒而話若噦而嘔若咽而嗽瘖者之呼吃者之鬪或急或緩或清或濁若羌絲野鼓雜亂無節分又似夫蠻歌野語詭怪之迭作也爾其困于泥潦失其所處而悲又若夫旱



燭既久得其所處而樂也爰有童子持燭來  
謁曰蛙群夜鳴君寢其聒考之周官洒灰驅  
蛤君其教之余得盡殺余語童子爾無是酷  
爾樂而歌而哀則哭則悲嗟樂有聲曲聚  
語群爭引吭而呼一日之間不寧須臾蛙不  
汝嫌汝奚蛙誅萬物一府誰好孰惡爾奚自  
私已厚蛙薄叅通彼已樂我自然弭爾怒心  
置燭而眠夜半張子援枕而吁顧謂童子記  
吾言歛前言未究請卒吾說物各有時夫誰



敢過爾觀夫春露初霽朝華始敷文羽清喙  
飛鳴自如若奏琴箏而和笙竽清耳悅心聽  
者為娛及夫陽春既徂炎火將極惡草蕃遮  
淙潦瀦積蛙于此時生養蕃息跳梁號呼意  
氣橫逸子如之何時不可逆時乎時乎美惡  
皆然當其盛時誰得而遷及其雪霜既降木  
實草衰飛蠅聚蚊孽無所施于是此蛙歛吻  
收足跼然土中一聲不出黨散巢破不可終  
日盛不可常興衰迭乘子姑忍之奚以殺為



哉

齋居賦

仲夏之月陰氣始至陽既盛而初剝陰浸亨  
而用事水伏畏涸火燎方熾其于人也心實  
過炎而賢受其弊惟人之生受命在子推卦  
曰坎于行為水微陽所潛元氣之始故火甚  
烈則正氣或因而衰則水受害者君子之所  
深畏于是屏事燕息滌慮齋居既靜事以無  
刑又遠眺而高居却紛華而弗陳與淡泊乎



為徒絕嗜室慾愛精畜神聲色不御滋味弗  
親冲然與和俱游湛兮以道合真故能體強  
志寧愉樂壽考遠去疾癘保此難老嗚呼苟  
能推此以盡道考此以察物則豈惟齋戒以  
御時宜其顛沛而勿失且夫冰炭相乘利害  
交至隕真盜知豈獨陰 道心惟微易失難  
常因干侵陵有知微陽則浣心滌慮以却外  
垢虛中保和以全天君故能涉至變而不濡  
更萬變而常存蓋將窮年以齋居豈特養生



而善身乎

蜘蛛賦

魚游假淵鳥棲求木而我所宅獨取諸腹巢  
于墻屋人不取予朝蠅暮蚊食人所惡彼殘  
物以養而無益于世雖名入兮斯虫是愧

得友賦 答子邕

余趨世之僻迂獨了了而無朋信所樂以直  
前嘗媒仇而賈憎惟物態之多艱撫危心而  
自驚甘默以退藏包薄技而無成何吾迹



之不常旅成周之故京眷吾游之悠遠耿離  
語兮吾情惟夫子之好修昔固聞乎德聲獨  
頌我而忘勤握未暖而心傾發鍵鑰而不疑  
奏金石之鏗鏘內端肅而粹溫外炳煥而清  
明嗟我鄙而子竒謂欲合而莫能援古義而  
見交愧此意之何勝既兩盡而莫疑亦交規  
而共評驅昔憊之無餘撫新樂而生矜豈目  
前之惟愉實未得乎平生惟清洛之名都窺  
園沼之清澄語寒堂之夜燭醉春圃之朝英



徵逸事于古初亦窮微而造精投明珠之的  
歷報曷壁之煌熒惟此樂之無窮使我愛日  
而兢、雖所歷之萬殊願勿疾兮茲誠

懷知賦

嗟余生之若艱涉世故而多違坐群嘲而衆  
侮獨了、其從誰嗟若人之好修外洵直而  
中竒挈余手而指津謂予車之不迷遵常度  
以夷行正六轡而安馳嗟終日而無禽曰固  
然而冒疑惟言動之合符若方圓于矩規振



高言于皇極流餘慶于竒辭沃道德以相酬  
心厭滿而忘飢愛日月而畏別卒悠遠而多  
懷跂余望兮莫瞻將駕言其從之何出門之  
多艱損我馬以嗟咨山叢々而造天車欲進  
而畏摧臨江湖以浮舟蛟龍鬱其揚鬣路幽  
迴而莫通心鬱塞而增悲贈瓊瑤以致情恐  
所託之吾欺惟至技之難投或與世而莫知  
倘一遇而見明蓋至樂之無儻彼取舍之迷  
方或骨肉而相遺苟我心之不察雖親愛而



何恃故烈士之報知己或殺身而不辭豈以  
生而易名誠內激而志思風蕭々以戒秋蟬  
嘒々而鳴悲白露團兮夕涼庭木颯其先衰  
竊我馬于東周蓋三歲其于茲老駸々而來  
逼心鬱々而不夷願所樂之莫從託宵寐兮  
庶幾酌尊酒以忘憂寫我心兮陳詩

遣憂賦

居了々以無與兮出莫知其所之獨端居以  
終日兮耿耿不以長思古之人不可得而見



兮存者滅略之遺辭頌一世之異情兮余誰  
者其從之惟我生之拙迂兮嗟所慕之名奇  
挹庶清之遺風兮曰吾其進難而退易百驅  
不加于跬步兮却轡疾返而莫追踐斯言之  
不欺兮庶吾心之無愧日月忽其遷流兮老  
忽々而既來惟所蹈之日迷兮撫前心而自  
非欲改故而圖新兮從靈龜而問疑兆改橫  
而上從兮史為余而告辭橫為室而善處兮  
上從直達其無巖豈外拘而中泰兮或者既



塞而將遂保爾守而無變兮神明于汝其遺  
之相利害而為術兮彼鄉人其猶耻美靈龜  
之告繇兮得我心之所止彼躩々其安往聊  
安々以自恃歲冉冉以將老兮草木蠹其哀  
哀玄蟬號乎高柳兮溢菡萏于清池宵虫悲  
鳴以相語兮朔而振迅而南窺嗟吾客于東  
周兮周天星之三移寫我憂以命駕兮憑高  
明以遠視覽平田以茫泱兮瞰清洛之東駛  
山重複而南積兮萬嶺矗々以鱗次微雲灑



霽以忽布兮孤翼滅沒而高逝熊耳高而  
西峙兮女兒奮湧而南危東平川于兩間兮  
散佃漁于平地雞犬密其相聞兮溝塍布而  
如棊牛羊閑以就牧兮烏鳥號呼以群嬉登  
故國之餘墟兮望遺宮之頽基傷者來世而  
無窮兮樂者昔人其既止惟達觀其超忽兮  
寄廢興于一視考物變以自樂兮遺餘情于  
酒醴大人無即而非樂兮淺夫係物以自治  
彼方窘我以局促兮我則頽步而廣肆制憂



樂予在彼兮夫何貴乎明智忘吾憂以洋  
兮將以語夫君子

張右史文集卷第二

化圖書  
Carrolla library



張右史文集卷第三

賦

哀伯牙賦

伯牙鼓琴後世無知我哀伯牙似智而愚天  
地之間四方萬里知爾琴者一人而已鍾子  
既死其一又止欲彈無聽泣涕浪々已奏已  
聞欲語不可偏塞滿懷無所傾寫抑揚黃華  
卷歌里曲入邑娛邑入國悅國回視伯牙面  
有矜色夫搢笏使者必不和衆人之耳而媚



衆耳者又善工之深耻違衆者常了其無  
與而冒耻者乃身安而獲利則亦安知夫至  
執之非禍而庸工之非耻也嗟夫將為至巧  
者必無顧于終身之無與則至巧之于人乃  
不祥之上器搯不祥之器終身而不知則伯  
牙者乃後世之深戒

石菖蒲賦 有序

歲十月冰霜大寒吾庭之植物無不悴者爰  
有瓦缶貯水斗許間以小石有草鬱然俯窺



其根與石相結絡其生意暢遂顏色茂好若  
夏雨解籜之竹春田時澤之苗問其名曰是  
為石菖蒲也考諸本草則所謂養性上藥仙  
聖之已試者也曰賦之云

歲寒風霜水落石潔大木百圍僵仆摧折有  
草于此寸根九節曾足莫傷拳然茂悅若處  
廣深隱奧密而不知戶牖之外平地尺雪也  
將糜而餌之私其益于我躬則不幾于奪也  
曷若致之吾前儀之以自修兮庶乎比德之



琺瑯也

病暑賦

皇昌運之元祀兮予出守乎清潁之區背國  
門而南驚兮弭楫乎太昊之墟方炎夏之際  
赫兮閔時澤之不濡魃乘時而行虐兮盜威  
烈乎揚烏駕畢方而驟炎惑兮回祿為其前  
驅燼所及于一燎兮何有尾石與瑤瑤豐隆  
致其微陰兮飛廉蕩覆而無餘野曠々而揚  
塵兮何蕭艾之兮敷應龍矯首于下澤兮僅



自免于槁枯烏呀味而忘飛兮默逃穴而深  
居嗟人胡獨不能兮無乃欲息而被驅昔蘄  
山之秋筠兮因冰卷而玉舒効功能于么麼  
兮曾何足以寧吾軀飽風而為蜩兮又欲泳  
水而為魚出寒泉于深井兮竭筋力于輓轡  
不計腹之所受兮尚問山窮麴麥之有無辭  
曰陰陽循環靡窮極兮時至而變有常則兮  
融液金鐵燥山石兮謹視其報在朔易兮玄  
陰大冬冰雪積兮無畏其機備其極兮補完



東坡志林卷三  
三  
裘褐戒紡績兮保我歲寒以終吉兮

喜晴賦

積而初止萬境聲乾星漢昭回夜客高寒晨  
起載欣朝暉在門起往從之清明肅然蚓安  
其穴蝸不遺涎還開通于滯濕失沮洳之墊  
昏列缺弭鞭豐隆偃麾羲和緩轡而安行背  
扶桑而經天也大田之多荒乃愀然而興  
哀聊雷霆之一嬉遽下土而罹災詔龍螭使  
伏燔息憤怒之喧墮曰余悔禍于斯人勞苦



雨師以一栴惠我農師豈不休哉

南山賦寄嘉甫

南山巖々兮其下有人佩玉而握珠刻意魯  
叟之古經不習世儒之臆書我頃見之于宛  
丘貌秀哲而眉踈別去忽兮幾時面蒼瘠而  
垂鬚愛德器之老成資巧篆于璠璣問所與  
之為誰亦黃犒之仙癯禁八馬之超鶩同芻  
豆于群鴛時慷慨而長鳴耻賤工之附輿我  
行世之多艱三年困兮江湖幸天恩之放還



過都梁兮躊躇奉兩月之周旋越長淮之馳  
驅屢飲我于山間出翩躚之兩姝舟師告余  
以當行具篙楫于斯須歲方暮而寒騎犯冰  
雪于野墟雲漫々兮垂天風栗々兮切膚緝  
藟翳于宿莽妍柳秀于群枯泛羽觴之清冷  
聊覽物以為娛思佳人兮天末望莫見兮愁  
予

秋風賦

張子夕坐于堂之南軒有風颯然來自西方



感乎人心異于尋常初披偃乎草木亦從動  
乎軒窻張子曰是風也所以成歲而佐陽者  
乎時也朱火就謝七月始涼既導迎于肅殺  
又介紹于雪霜其中人也萬竅洒然汗澤為  
乾纖絺魯縞不勝其單其加物也未敗其形  
先傷其情未隕其生先奪其英使之喏然委  
者見于顏色黎然槁者動于聲鳴吾嘗中夜  
而聽之淅瀝颼颼群動百虫怨泣悲吟感人  
忡忡者秋之聲旦起而望之清明高潔者秋



之容于是庶草効實九穀獻功既彌于野又  
嘗于宮感天時之不留念歲律之將窮張子  
曰吾何為乎戒裘褐以備嚴冬而已

南征賦 贈張嘉甫

予文窮而莫諱兮顧四方其何遠母寧征于  
江右兮毛上膏其可食抱朝暮之勝氣兮西  
山吾以為宅風予帆于晝日兮余朝發于赤  
壁標玉壘之下流兮逝蓬飛于一息迅沮漳  
而橫入兮匯揚瀾于左蠡婢吾日 無恨兮



濤猛獸以噬獰霽光風于木末兮俟餘波猶  
未肯平迷失道而問津兮  
御于朱明

就漁父而陳詞兮余非湘纍之獨醒文告予  
以不治兮南樵舍而自成破隴畝而溢流兮  
石險狠而當道豈舟人之肅洽兮艇觸撥而  
欲倒繫余車于桑本兮予猶可以徒行夷予  
竈使不得炊兮余猶可以乞鄰四厚王之瀟  
漫兮予騷：無以為家維斯人之可懷兮鳥  
猶長鳴以嘆嗟黃蒲田之所橫植兮歲有秋



而登場既狼戾而竭隣兮已獨賦乎廩倉饌  
上方之玉盤兮上曰飽斯人之德歲協洽而  
蘄兮味柔嘉余得未食染予指于鼎兮豈不  
同此臭味使持節于十郡兮民得此父母  
顧余懷之倉卒兮謂一寒之何故雖解衣推  
食兮曰此小惠汝弗德我：九世之良醫兮  
藥神膏而可以破汝腸賦九言而九頓首兮  
度百世而足用闋一世之風波兮曰餘皇吾  
以為歸宿



碧雲賦

蹇臨高而延矚，悵天邊之碧雲。緬不知余何  
思，情空至今。續紛懷幽蘭之令姿，方揚靈乎  
上春。願來者之非其人，使暴露乎埃塵。我有  
旨酒，與子殷勤。終淵莫致，實勞我神。白日西  
馳，去故就新。發采舒光，念當及晨。

三酌賦

出公門而偃私酌，旨酒于良辰。緬再酌而三  
酌，恍如對乎佳賓。畏局促之傷懷，聊流暢乎



心神懲荒涵乎無美悠然合乎禮文蕩志文  
史晤言詩書世醉不足我醒有餘頽妙物表  
韜精道樞真會獨應誰知我娛

人日飲酒賦

歲後七日其名為人愛此嘉名酌酒惟欣豈  
木竹之始和生庶彙而施仁又曰人者三才  
之中將中和之肇布易巖殺之餘冬也乃命  
婦子班坐行觴酌已相祝壽考無彊有否必  
泰無窮不通請觀庭下之枯折霜霰消而敷



榮羽垂感陽而群嬉况乎雲間之飛鴻于是  
三酌既醉喜有所得安局促而不嘆悟倚伏  
之無極

吳故城賦

亂吾舟兮大江夕余濟兮樊口登武昌之故  
墟弔西門之衰柳出東郊而南眺訪遺城之  
培塿嗟顏墉之逆靡業已半乎耕耨雜谿澗  
而沮洳稻冉：而將秀曰是吳王之故宫兮  
昔孫仲謀之所有當樊漢之委地群克聚而



啄割偉紫髯之永圖獨穴據乎江右豈無意  
于雍洛易虛夸為善守觀其作都于武昌夫  
何險陋而即安是為大江之上流兮于脩敵  
焉不繁顧諸將之凡才豈袁曹之敢班歆身  
當中原之一面兮事便時利一蒂濟乎濤瀾  
當是之時兩觀萬雉縹緲應門內擁燕趙之  
客外屯貔貅之軍笙磬鐘鼓之喧闐旗旆車  
馬之繽紛固已包蒙川澤震耀山原安知夫  
千載之後陵谷易位夫何遺珠與棄玉顧此



遺墟之將圯于是與客休于祠宮披樵蘇之  
微路嗟牛羊之入室固牲酒之不具與客愀  
然三嘆而去

余近讀曹植諸小賦雖不能鎮密工緻悅  
可人意而文氣踈俊風致高遠有漢賦餘  
韻是可矜尚也因擬之云

張右史文集卷第三



開化圖書館  
Kaifu Library

神州  
雜誌  
卷三

九



張右史文集卷第四

古樂府歌詞

君家誠易知曲

君家誠易知易知獨難忘  
西風墻頭吹葉黃  
蟲絲當戶理秋光  
翠屏碧簾生涼牀  
頭蟋蟀見焚香  
蛟綃纈雙鳳凰  
上元綠鬢遮耳瑤  
來車去馬官道傍  
碧雲傳情何處郎  
相望玉樹啼寒螿

于湖曲有序



蕪湖令寄示溫庭筠湖陰曲其序乃云晉王  
敦反屯于湖陰帝微行至其營敦夢日遠之  
覺而追不及故樂府有湖陰曲按晉地志有  
于湖而無湖陰本記云敦屯于湖又曰帝至  
于湖陰察營壘而去頃予遊蕪湖問父老湖  
陰所在皆莫之知也然則帝至于湖當斷為  
句乃作于湖曲以遺之使正其是非云  
武昌雲旗蔽天赤夜築于湖鉞洗鑄巴滇駟  
駿風作蹄去如滅沒來不嘶日圍萬里纏孤



壁虜氣如霜已潛釋蛇矛賤士識天顏玉帳  
髯奴落妖魄君不見銅駝陌上塵沙起胡騎  
春來飲湮水浮江天馬是龍兒蹙踏揚州開  
帝里王氣高遠五百秋弄兵老漢空白頭石  
城戰骨卧秋草更欲君王分上流

襄陽曲

西津折葦鳴策，蟾蜍光入芙蓉白山頭不  
雨賈船稀日，門前江水窄將欲烜赫招行  
人旋起丹樓照長陌銀屏深蔽玉笙闌自擘



新橙飲北客  
倏離暫合心  
未果淚映雙眸為  
誰墮

寄衣曲

秋風西來入樹庭  
攀條正念征人苦  
窻空自織不敢任  
鳴機愁寂如鳴舫  
練成欲裁新絲香  
抱持含愁叔姑堂  
別來不見衣覺窄  
試比小郎身更長

江南曲

江蒲芽白江水綠  
江頭花開自幽淑  
人家晨



炊欲熟時旋去網魚惟所欲往來送租只用  
船未省泥沙曾汙足有錢買酒醉隣畔終日  
數口常在目不學長安貴公卿每念離心寄  
朱轂朝遊岩廊暮海島譴人未歸身自到

怨曲二首

白首南朝女愁聽異域歌收兵頡利國飲馬  
胡盧河毳布腥羶久穹廬歲月多雕窠城上  
宿吹笛淚滂沱

祖席駐征橈開帆復信潮隔筵桃葉泣吹管



杏花飄船去鷗飛閣人歸鹿上橋別離惆悵  
淡紅鷺宿紅蕉

壽陽歌

壽陽樓前淮水碧壽陽美女如脂白李郎青  
鬢照青衫曾在花前作狂客伯勞睡重花枝  
晚時許蜻蜓一偷眼歡娛雖少恨已多纖手  
紅箋揮翠管淮陽歸來春已暮夜々夢魂淮  
上去欲歌舊曲只添愁畫得雙蛾不能語有  
客南來從壽春衆中笑問動精神自從柳別



章臺後攀折風光知己人已伴春衫辭側貌  
不怕嬌啼隨意笑嗟君耿耿獨相思須信多  
情是年少

勞歌

暑天三月元無雨雲頭不合惟飛土深堂無  
人午睡餘欲動身先汗如雨忽憐長街負重  
民筋骸長穀十石弩半袖遮背是生涯以力  
受金飽兒女人家牛馬繫高木惜恐牛軀犯  
炎酷天工作民良久艱誰知不如牛馬福



春雨謠

晚雲欲著樹中夜一犁雨老農呼子孫力作  
莫辭苦風吹潤土如炊香烹雞為黍餉南岡  
我知聖人在明堂元年已是豐年祥

少年行三首

駢弓鵠角蒼鷹羽金錯旂竿畫貌虎長驅直  
踏老上庭手拔干將斬狂虜歸來解甲見天  
子金印懸腰封萬戶自為大漠上將軍高揖  
群公佐明主



人生豈合長貧賤師事黃公曾習戰英雄天  
子北伐胡初拜將軍二十餘黃塵晝飛羽如  
插身射單于碎弓甲從來書生輕武夫坐遣  
揮毫寫勲業

少年賣珠登主門主家千家千金惜一身綠  
鞵請罪見天子尚得君王呼主人鬪雞走狗  
長安道豪傑驅來奉談笑漢庭碌、公與侯  
畏禍憂誅先白頭

古意



園中楊柳樹飛舞似含羞如何風靜處盡放  
眼中愁金鋪銀屈膝動處有人挨碁盤作十  
字中心為子來橘犀如半月何日是圓時如  
何一種味却有兩人知

代贈

洞房飛香作春霧仙人勸酒香中語明眸第  
二紫雲娘鸞學歌聲柳如舞蹙眉長歌澧有  
蘭銀鈎請君春草篇繁絃高張燭燒夜玉壺  
未盡參在天春泥雪消淮上路東風浪頭驚



客艣惱公舊事幾夢魂過眼相送一風雨黃  
流清洛上天漢吳山洞庭藏水府謾題詩句  
寄歸舟江口風狂那得渡

代嘲

過作拋人去非真我獨知如何立不定却有  
獨來時

牧牛兒應城道中

牧牛兒遠陂牧遠陂牧牛芳草綠兒怒掉鞭  
牛不觸澗邊古柳南風清麥深蔽日野田平



烏犍礪角逐春草老犗卧噍飢不鳴犢兒跳  
梁沒草去隔林應母時一聲老翁念兒自攜  
餉出門先上崗頭望日斜風雨濕蓑衣拍手  
唱歌尋伴歸遠村放牧風日薄近村牧牛泥  
水惡珠璣燕趙兒不知兒生但知牛背樂

贈人三首次韻道鄉

未必蠟蟻如素領故應新月學蛾眉引成家  
約因言笑試得真情是別離罇酒且傾寒琥  
珀淚粧更看薄臘脂北城月落烏啼後便是



孤舟腸斷時

醉裏紛：散別筵醒來客枕一燈前黃茅野  
岸三更月春水長亭十里船一點淚憑誰寄  
與十年香在恨依然空疑窗外梅花發珠箔  
青樓若箇邊

可是相逢意便深為郎巧笑不須金門前一  
尺春風鬢城外三更夜雨衾別燕從教燈見  
淚夜窓惟有月知心東西芳草渾相似欲望  
高城何處尋



採蓮子

菡萏香蓮十頃波  
小姑貪戲採蓮池  
晚來弄水船頭濕  
更脫新裙裹鴨兒

張右史文集卷第四



張右史文集卷第五

古樂府歌詞

倚聲製曲三首有序

予自童時即好作文字每于他文雖不能工然猶能措詞至于倚聲製曲力欲為之不能出一語傳稱禪謀于國則否謀于野則獲杜南陽以謂性質之蔽夫詩曲類也善為詩不能製曲豈謀野蔽耶為賦三首

春絲惹恨鬢雲垂媚態愁容半在眉早是思



深難語別可堪肌瘦不勝衣眼前有恨景尤  
速門外無情車載脂自笑不如天上月尊前  
猶有見郎時

不恨因緣不恨天強持牙板向尊前陽關一  
曲動山月別淚千行盈酒船薄命有情今已  
矣傍人無意亦凄然願君學取梁間燕秋去  
春來到妾邊

山未高兮海不深此情此意薄千金今朝酒  
伴雙垂淚



劉郎再訪尋

桃源路絕無人到  
應許

獨處愁

高、花飛驚愁顏  
珠簾盡鎖春風  
湖少年金鞍照秦地  
玉卮雙覆塵埃間  
蝴蝶雙飛舞感觸  
深心、更苦昨夜陰  
雲數尺許連宵  
變作西窓雨

遠別離

遠別離

入蜀去酒酣日



石塘卷五  
二  
落客心驚起與僕夫先議路  
車在庭牛在  
槽桐枝嫋、秋風豪別情惆悵氣不下酒觴  
飛污麒麟祀緩、清歌慰幽獨不惜更長更  
燒燭贈君髮上古搔頭莫易此心如此玉平  
生每笑花飛片東家吹落西家怨但得歸時  
似別時相如何必長相見

行路難

人生動與衣食閑百年後、誰為閑四時睡  
足鞍馬上去歲錢塘今長安車愁羊腸夜險



折船畏人鮪最驚  
湍九州一身恨  
自惜使我顏色常鮮  
歡天地一氣成萬象  
融即是江結是山  
再願洪鑪鑄融結  
萬世更無行路難

白紵詞二首效鮑昭

採輕裾曳長袖為楚舞  
千萬壽新詞白紵毅  
按舊朔風捲地來  
崢嶸燕雁避霜飢  
不鳴高堂酒多華燈明

回纖腰出素手  
髻墮髮傾釵欲溜  
為君歌舞君飲酒  
歲云莫矣七澤空湯  
漢沔天北風



玉壺之酒樂未終

七夕歌

人間一葉梧桐飄  
蓐收行秋四斗杓  
神官召集役靈鵲  
直渡銀河雲作橋  
河東美人天帝子  
機杼年年勞玉指  
織成雲霧紫星衣  
辛苦無歡容不理  
帝憐獨居無與娛  
河西嫁與牽牛夫  
自從嫁得廢織紉  
綠鬢雲鬟朝暮梳  
貧歡不歸天帝怒  
謫歸却理來時路  
但令一歲一相見  
七月七日橋邊渡  
別長會少知奈何



却悔從來歡愛多，忽、萬事說不盡，燭龍已  
駕隨羲和，河邊靈官催曉發，令嚴不啻輕離  
別，空將淚作雨滂沱，痕有盡，愁無歇，我言織  
女君莫歎，天地無窮會相見，猶勝姮娥不嫁  
人夜，孤眠廣寒殿。

琉璃瓶歌贈晁二

大維荒茫地軸傾，下有積水潛鯤鯨，鰲身翻  
瀾山為崩，金鳥下啄，獐龍騰，狂鬚竒鬣萬族  
朋，巨神日月雙手擎，夸娥愁思烏戢翎，老魚



戰死風魚腥長筭下掃千里驚淺洲一席塊  
為城纒兇夷女竒弁纓大舶映天日百程怒  
帆吼風戰飛鵬舟中之人怪眉睛獸肌鳥舌  
髻翹撐萬金明珠絡如繩白衣夜明非縞繒  
以有步無百貨傾室中開橐光出楹非石非  
玉色紺青昆吾寶鐵雕春冰表裏洞徹中虛  
明宛然而深是為瓶補陀真人一鉢衣攀膝  
燕坐花雨飛兜羅寶手親挈携楊枝取露救  
渴飢海叩跪請願有 番禺寶市無光輝流



傳人間入吾手包以百襲吳綿厚擇人而歸  
今子授爛然光輝子文章清明無垢君肺腸  
比君之德君勿忘與君同升白玉堂

九江千歲龜歌贈无咎

靈龜千年口不食以背負牀飲其息吾家兩  
龜豈徒不食亦不息壽與萬古無終極濟南  
晁君博物天地通夜窺牛斗頗似晉王宮指  
我兩龜有名字大龜為九江小龜號千歲老  
龍洞庭怒蕩覆堯九州

謂半山禹吐嗟水平



流謂迂叟老客一作瘦客九江無波拍天浮中有大靈

背如丘南風吹楚澤蓮葉清欲秀有物中作

巢一寸主介胄霞衣仙人髻如霜飲以南極

之光芒丹顛老客不相飛渡東海巢一作朝

扶桑通來蟠桃枝有子大如缶浮游輕于鳥

一作我身輕若蓬江海一回首青珊瑚柱碧瑤宮水

仙焚香吹作風朝戲蓮葉西暮遊蓮花東秋

風蓮子熟歸去清江小千歲大九江我久

不見之向君案前雙我謂晁二物



有似我與子國有守龜吾子是燦然天下之  
寶器黃金之騰紫玉匱天王端冕之再拜一  
逆二從定大事我身百無 頗似千歲  
潛深淵不顧人間貯金藉玉享富貴但願寄  
身江上一葉之秋蓮萬物才不才

大雪歌

老農占田得吉卜一夜北風雪漫屋、壑歌  
折君勿悲隴頭新麥一尺泥、深麥牢風莫



吹明年作餅大如箕野人食飽官事少莫畏  
瑟縮寒侵肌高堂晨興何所門無馬跡人  
更稀珠樓玉閣互飛動坐見貧屋生光輝無  
功及物慚受祿豐穰幸賴天與之棄糧遺粒  
待雞犬吾美何得長烹藜

孫彥古畫風雨山水詩

山深巖高堂壁青白日忽變天晦冥黑風驅  
雲走不停驚電疾雨來如傾山前雨點大如  
手山下水湧危槎橫崩崖古樹老有靈吼怒



直與風雲爭枝披葉偃闔不怯萬竅却欲藏  
雷霆鞭驢疾驅者誰子石路嶮澁驢凌兢日  
迷心懾愈不及來憩樹下如寒蠅蒼茫直與  
鬼神接恍惚不保龍蛇驚平居此樂忽入眼  
孫家古圖纔可辨奈何一幅一尺餘欲奪天  
地之奇變我心愛之良有以肯若山行親遇  
此一生兩足不下堂翰南朱家貴公子

歲暮歌

北風卷雪送暮冬重雲如山爭寒空百年老



石如卷五  
樹吼欲折塌翼不見南飛鴻堂下幽姿亦可  
悅點綴小樹花玲瓏老人重裘不能煖永夜  
惟守深爐紅啾寒雀飛不起飢啄凍土藏  
枯叢青春欲回水官怒摧拉未使陽和通天  
時平分各司一興廢誰得專其雄杜門解轡  
聊有待行看馬脚春泥融

光山謠

艤舟淮南望新息天遣清淮限南北崎嶇細  
路入光山野色蒼涼秋日白八月獲稻田無



水蚱蜢群飛稻乾死危橋絕澗聞水聲喧  
汲水爭瓶罌昏，落日銜遠山烏啼車轍未  
得閒縣公吳生我世舊為我烹羊酤斗酒燈  
前醉飽紛就眠五更開門星滿天長年他鄉  
心惘然遠途辛勤難具言

年々歌

年々西風白露天

秋池原今年杜

門不復出為愛我庭風日寬東西相望兩叢  
竹正色森々立青玉朝烟暮雨恣陵奪翠鳳



文章終郁：苦榴新栽果不實下有蕭條冒  
霜菊人情雖欲薦我酒物意豈願羸君菊東  
欄黃葵色貴麝氣壑滿欄香樸楸月桂淒涼  
何足數蛛網挂虫窠如東安能卒歲不改芳  
正自榮枯隨衆木陶：吾意方有在瑣：眼  
前安足錄朝來默坐有佳思病去身輕如脫  
桔從來北客望江南何用登樓傷遠目

鴨鵝詞

樹頭玄衣郎神爽毅復清睡先萬目覺起對



殘月星憫世耽睡昏體穢神不靈招使離衽  
席啼呼每丁寧幽人最憐汝未旦起坐聽荒  
山多嘉樹春盡故園情

園棊歌戲江瞻道兼呈蔡秘校

蔡子園棊非我敵我謹事之如大國主盟召  
會不敢辭近忽憑陵有驕色鄒人戰魯固非  
宜于越入吳誰可測願君勿以大白驕知小  
深謀戰須克區區江子似邾婁我如強魯端  
能後凌兢螳臂屢見拒我但憐子心難得近



來措置尤小獍何異穿窬時有獲可憐癡將  
不知兵請視吾旂豈真北飢魚貪餌不知鈎  
口雖暫美身遭食雖然吾亦守疆場防患猶  
須謹蠱賊上攀蔡子雖已遠晉楚周旋終有  
日下觀江子行逾遠進駸々未知極嗟余  
自謂敢忘謹事有其誠難掩抑為君聊發一  
笑端欲問吾棊視斯檄

周氏行

亭々美人舟上立周氏女兒年二十少時嫁



得刺船郎，身如墨妾如霜。嫁後妍媸誰復  
比，淚痕不及人前洗。天寒守柁雨中立，風順  
張帆夜深起。百般辛苦心不惜，妾意私悲鑑  
中色。不如江上兩鷺鷥，飛去飛來一雙白。長  
淮杳々接天浮，八月搥衣南國秋。謾說鯉魚  
能託信，祇應明月見人愁。淮邊少年知妾名，  
船頭致酒邀妾傾。賊見惡少謾調笑，妾意示  
爾鴻毛輕。白衫烏帽誰家子，妾一見之心欲  
死人。間會合亦偶然，灘下求船忽相值。郎情



何似春風霽，吹人心自融。河中送還  
成阻潮到，蓬山信不通。百里同船不同枕，妾  
夢郎時郎正寢。山頭月落郎起歸，沙邊潮滿  
妾船移。郎似飛鴻不可留，妾如斜日水東流。  
鴻飛水去兩不顧，千古萬古情悠悠。情悠悠，  
兮何處問倒瀉。長淮洗難盡，只應化成淮上  
雲。往來供作淮邊恨。

咏木辭

紅錦長條當背垂，紫檀槽穩橫朱絲。美人亭



亭面如雪纖手當筵金桿撥彈成丁々咏木  
穀春林蔽日春晝晴徘徊深枝穿翠葉玉咏  
芳時還暫歇深園斷嶺人不知中有槎枒風  
雨枝蠹多蟲老飽可樂山深花靜終日啄雄  
雌相求飛且鳴高枝礪嘴枝有穀無功忍使  
飢腸飽有意却教枯樹青疾彈如歌細如語  
曲欲終時情更駐一穀穿樹忽驚飛葉動枝  
搖不知處

瓦器易石鼓文歌



周綱既季宣王作提劍揮呵天地廓朝來吉日  
差我馬夜視雲漢憂民瘼桓桓方召執弓  
鉞藹申韓賜圭爵北驅獫狁走豺狼南伐  
淮夷斬鯨鱷明堂車馬先清廟笙鏞尸  
載樂岐陽大獵紀功伐石鼓巖萬夫鑿千  
年兵火變朝市後世紙筆傳冥漠迹荒事遠  
貴者寡嘆惜風霜日摧剝君誠嗜古更過我  
易以瓦器尤奇卓滿盤蒼玉列我前制古形  
奇異雕琢義黃已止巧偽起絲土木消純



撲何為獲此上古器經歷萬世遭搜掠寥々  
墨翟骨已朽尚有遺風傳隱約又疑晏子矯  
齊俗陶土團泥從儉薄或云古者宗廟器斤  
棄金玉先誠確是時此物參鼎俎賈桴土鼓  
誠為樂嗚呼二物信奇絕賴有吾徒與提握  
不然烏瓦與瓦甃碑坐見塵埃就零落

片雪歌

瑤池一片孤飛雪風急身飛不歇誰將翠  
袖遮得歸十斛明珠換與誰金龜貴客迎將



去玉作輜輶載塵霧人間不解桃李心獨與  
琵琶自相語主人情不親朱樓夜鎖梨

花春願同花落寄秋水飄出朱門隨路塵長  
恐此生空已矣從此失身輕薄子人生但樂  
兩知心誰是瓊琮孰泥滓鶯鷺中彈花辭樹  
蝶散蜂驚春日暮風光不斷流水長不知片  
雪今何處

梁父吟

豪俊昔未遇白日無光輝隆中卧龍客長嘯



視群兒九州英雄爭着鞭黃星午夜照中原  
君看慷慨有心者乃是山東高帝孫老瞞抱  
壁抱馬走紫髯江左空回首世上男兒能幾  
人眼看袁呂真何有永安受詔堪垂涕手擎  
庸兒是天意渭上空張復漢旂蜀民已哭歸  
師至堂々八陣竟何為長安不見漢官儀鄧  
艾老翁誇至計譙周胤子辨興衰梁父吟君  
聽取擊節高歌為君舞躬耕貧賤志功名功  
名入手止中路遶時兒女各稱雄運去英雄



非曆數梁父吟悲復悲古今人事半如此所  
以達士視如遺龐公可是無心者何事鹿門  
招不歸

度關山

度關山意悠哉秦關路險行車摧秋雲沉  
天未曉關吏正眠關未開孟嘗逃秦畏秦逐  
一日歸齊未為速重扉當道可奈何搔首蒼  
茫空駐轂主君無言客無計仰看天星俯相  
視風鳴木響心自驚咄嗟謾養三千士下客



趨前敢獻誠為君試效晨雞鳴引殺未絕群  
雞應乾：重門俄徹馬嘶人語車輪轉斗  
柄斜橫夜初半奔風捷足欲何追虎口脫身  
非素願孟嘗好士竟何為纔得雞鳴狗盜兒  
可憐當日慙慙意輟食分衣竟為誰

張右史文集卷第五



張文公

館

書

圖

化

開

Karhwa Library



張右史文集第六卷

古樂府歌詞

天馬歌

風靈冥，日月蔽帝遣真龍下人世降精神  
馬育天駒足躡奔風動千里蕭條寄產大宛  
城我非南乘徒爾生小羌雜虜漫羈綫櫪上  
秋風時一鳴萬里名聞漢天子內府鑄金求  
駮駟將軍受詔玉闕開靈旂西指宛王死天  
馬出城天駒驚胡沙颯，邊風生執驅校尉



再拜馭護羌使者清途迎騏驎殿下瞻天表  
天質龍姿自相照翠旌黃屋兩遙迤玉鞶金  
鞍相眩耀東游封祀被和鑿甲子北來巡朔  
邊展才自覺逢時樂致遠不知行路難物生  
從類如有神地無遠近終相親君不見莘野  
磻溪耕釣叟一朝吐氣佐明君

江南曲

平湖碧玉烟波濶菱荷風起秋香發採蓮女  
兒紅粉新舟中笑語隔烟聞高繫紅裙袖雙



卷不惜浮萍沾皓腕爭先採得隱船蓬多少  
相欺互相問吳兒蕩槳來何事手指荷花示  
深意卽指蓮房妾折絲蓮不到頭絲不止月  
上潮平四散歸舟輕楫短去如飛斷腸脉  
兩無語寄情流水傳相思

籠鷹詞

八月獲黍霜野空蒼鷹羽齊初出籠劍翎鈎  
爪目如電利吻新淬龍泉鋒少年臂爾平郊  
去草動人呼躍寒兔竦身下擊霹靂忙毛逐



奔風血濡距甬能搏兔不能食未飽中腸行  
復繫主人獸兔甬尚飢一生不快為人役蒿  
間黃雀鳴啾飢啄野粟心無求賦形雖小  
技能薄不受羈縻得自由

拳毛駒歌

北窓掃壁陳圖書殺氣凜々生坐隅誰將尺  
素画駿馬云是文皇昔日拳毛駒龍鬚虎脊  
視天地若滅若沒三萬里皇天產此誰得之  
須十八真天子擒王滅竇如塵埃英氣貫



日天為開黃金甲光照天地大白羽箭馳風

雷唐文皇與單雄信挑戰雄信運鐵槊文皇以大白羽射之中其槊出火數尺雄信遁

去真龍在廐萬馬疾下視四海皆驚駘榛棘

昭陵一杯土柏城六馬莓苔古嗚呼駿馬已

埃塵雖有燕昭難再親

### 寒鴉詞

寒鴉來時九月天黃桑蕭々人刈田啼殺清

哀晚紛泊送和群音和且樂朋飛聚噪動百

千頸腹如霜雙翅去風高日落田中至部隊



崩騰鉦鼓沸高林  
古道榆柳郊落葉晴霜剗  
棘地志士朝聞感歲華  
田家候爾知寒事墮  
頭雪消牛挽犁蕩漾春風吹爾歸  
投寒避暖竟何事  
長伴燕鴻南北飛  
我滯窮城未知返  
為爾年々悲歲晚  
扁舟東下會有期  
明年見爾長淮岸

寒食歌

東風芳草長寒食  
春茫々人家掩門去  
雞犬自相將  
原頭簇々柳與花  
行人往來長嘆嗟



舊墳新塚累，是裂錢澆酒。何人家桑上鳴  
鳩喚山雨，脚蕭蕭。山日暮歸來，門巷正春  
寒。花底殘紅落無數。北里悲啼，夜未休清絃。  
脆管起南樓，古今歌笑何時盡。芳草白楊春  
復秋。去年巧笑鞦韆女，今年嫁作東家婦。綵  
繩画柱似當年，只有朱顏不如故。百人學仙  
無一成。麻姑不見，但聞名萬斛春醪。須痛飲  
江邊漁父笑人醒。

飛螢詞



碧梧含風夏夜清  
林塘五月初飛螢  
翠屏玉簟起涼思  
一點秋心從此生  
方池水深溪雨積  
上下輝々亂凝碧  
幸因簾捲到華堂  
一不驚人驚照瑤席  
漢宮千門連萬戶  
夜々熒煌暗中度  
光流太液池上波  
影落金盤月中露  
銀闕蒼々玉漏遲  
年年々為爾足愁思  
長門怨妾不成寐  
團扇美人還賦詩  
避暑風廊人語笑  
欄下撲來羅小扇  
已投幽室自分明  
更伴殘星碧天曉  
君不見連昌宮殿  
洛陽西破瓦頽



垣今古悲荒榛腐草無人迹只有秋來熠燿  
飛

齊安行

黃州楚國分三戶萑葦為城當樓櫓江邊布  
井數十家城中平田無一步土崗瘦竹青復  
黃引水種稻官街旁客棹朝集暮四散夷言  
啁啾來湖湘使君鹿譙塗堊赭門狹不能行  
兩馬滿城鼃噪亂更穀谷風穀：黃鴉鳴最  
愁三伏熱如甌北客十人八九病百年生死



向中州千金莫作齊安游

一百五歌

山民歲時事莽鹵猶知拜掃一百五平明士  
女出城闈黃土崗前列尊俎箭包粉餌蒸野  
蔬富家烹羊貧薦魚日暮肩輿踏風雨江鄉  
人家無犢車挿花飲酒山邊市醉後歌聲動  
鄰里南人聞歌笑相尋北人聞歌淚滿襟

秋風謠

秋風起秋雲高連山草木如波濤大江蕩瀟



魚龍逃義和奔忙日車逸八柱傾側恐不牢  
柯山老人拚蓬茅畏寒理我舊緼袍麕食在  
盤有濁醪醉飽高卧從呼號

東臯行

秋雲捲盡秋天清東臯蕭條雞犬聲黃葉吟  
風散不平笑渠半落更有情歸來僮飢羸馬  
疲城頭樹暗烏欲栖誰家朱樓人夜宿微紅  
一點簾間燭

正月詞



紅梢一夜櫻桃雨  
簾捲曉晴鳩  
鵲語簾旌細  
浪滾東風迎得春  
歸與為主  
玉手嬌慵添繡  
線  
欄下菖蒲近  
相見  
雲屏曉睡翠翹橫  
樓上  
寒時正五更

二月詞

滾風画幕長廊靜  
簾下人眠初日永  
嚶嚶不  
動採花蜂  
夜來露重薔薇冷  
芳草長時寒食  
天紅墻低處見  
鞦韆人家無事雞犬  
聞日暮  
芳郊留醉眠



飢鳥詞

北風夜雨烏翅濕低飛野畦啄遺粒啄食不  
飽還畏人嗚呼隔壠自求群我行陳宋經大  
澤田荒生茅不種麥空腸待飽明年禾鴉；  
南飢獨奈何

苦寒行二首

淮南苦寒不可度積雪連山風倒樹長淮凍  
絕魚龍愁哀鴻傍人飛不去霜中寒日無暖  
光六龍瑟縮不肯驤老憊孤舟且復止堅冰



三尺厚于牆

茫。楚鄉仲冬月白屋無烟飛走絕空林號  
風冰斷枝長淮無人冰照雪凍埋釣艇不復  
漁南羹未嚼淮中魚要湏下擘澄湫水剽取  
寒蛟烹腹腴

春詞

寶刀裁花碎羅縠帶臘圓紅黃染粟枝頭幾  
日即花開世上人情大速東風未轉北風  
嚴返挂銅鈎不上簾莫怪蛾眉呵素指層簷



冰碧玉織：

宮詞效王建五首

夜來霜重著欄杆  
玉殿無塵玉甃寒  
日下君王  
王罷朝早禁廷無事一冬閒

簾外微明燭下粧  
殿門放鑰待君王  
玉堦冷地羅鞋薄  
衆裡偷身倚御床

昨夜新霜滿玉堦  
初冬處火爐開  
中官逐院傳宣賜  
南國諸侯進橘來

玉墀夜色畫昏  
催放朝班散  
侍臣隨駕上



樓同看雪萬重宮殿一時新

蓮燭千枝夜宴遲君王素筆寫新詩宮人和  
得爭先進偏愛宋家兄弟詞

旱諺

七月不雨井泉渾孤城烈日風揚塵楚天萬  
里無纖雲旱氣塞空日晝昏土龍蟄蜥竟無  
神田中水車穀相聞努力踏車莫厭勤但憂  
水勢傷水根道傍執送者何人稻塍爭水殺  
厥隣五湖七澤水不貧正賴老龍一屈伸



貽潘邠老有序

余居柯山西潘邠老居東九月十一日往過  
之逕蔬圃坐修誠堂竹間歸飲于龜蟬之間  
殊有佳興作雜言貽之

有屋可以讀書有竹可以忘憂採庭之菊香  
有餘烹園之蔬甘且柔賢哉二子又復何求  
鬼不爾責人不爾仇沽酒可飲江魚可羞又  
安用列鼎食珍佩印封侯我居柯西相隔一  
里可以杖履朝往而夕遊必未厭我乞醯與



借馬但只恐勲君赤脚與露頭不然將吾顏  
子簞食瓢飲屢空之樂又欲翻董生清明玉  
杯繁露之春秋

醉中雜言

老人攀花復藉草春力着人如醉倒未容作  
試留春東風已與人俱老東君惜春不惜  
花千紅萬紫委泥沙已教白日張錦繡更欲  
平地興雲霞我欲呼客無酒肉摘花插頭悲  
髮禿安得釀乎酒萬甕屠牛羊花間醉飽踏



春陽

張右史文集卷第六

張右史文集卷第六

十



開化圖書館  
kaihua library

不  
五  
卷  
六



張右史文集卷第七

古樂府歌詞

龜山祭淮詞二首

迎神

木杲：兮蒼山巔回泐重深兮其下九淵東  
風歌兮春水舞庭肅：兮神三燕游雲高兮  
見極浦安我舟楫兮君不怒水濱之人兮若  
思君言蒲生兮楊柳春解君旂兮醉君御聊  
樂一日兮莫予棄



送神

楚巫醉兮君不留  
春風起兮木蘭舟  
弭余楫兮飲君酒  
君既不顧兮駕龍以出遊  
凌九江兮勒滄海  
萬龍舞兮百靈會  
君孔樂兮我思君  
望君故居兮其上  
片雲水淪兮石碌空  
祠草長兮風雨入  
君屋山中春兮鳥鳴悲  
明月皎兮中夜來

惠別

洞簫奏兮琮琤御  
日不足兮繼以夜  
吾寧獨



此湛樂兮加余美之宜修披浮雲出明月兮  
揮衆星不與謀既成言以命予兮願永予之  
光明豈獨謂不然兮託東風以惠教嗟言獨  
何容易兮有傾身者鬼神中懷着而必見兮  
卷蘭舌而交信余雖不執子明燭兮光輝其  
舍予兩相審者不媒兮余既獲子于鼻息舒  
子聲以歌兮鳳凰將闐而振羽結子佩而起  
舞兮星斗視子而上下獨翩々其不可留兮  
君之居可知而不可得春水渙々兮余獨飲



君河之曲鳥鳴群飛兮其下芳草柳舒其  
可攬結兮桃李始就其膏沐行者懷兮別者  
思酌君酒兮壽君以不衰撫君舟之悠然兮  
將浩渺以浮航三泛震澤兮舟師告憊而一  
息引日星之煌々兮吾獨子于南極想子  
其下兮鼓聖儔而鞭蛟龍使宓妃不敢巧笑  
兮皇英歛衽而來從南風之來兮入余裾悅  
余心獨條暢而清婉兮曰是為故人之風

想魁并序



壽安夏旱麥且死民憂之無所不禱雲既興  
輒有大風擊去之間而雨塵不辨人物類有  
物為之者張子攷于詩以謂旱之神曰魃意  
者魃為之乎作魃詞

帝治下土兮遠于民撫御萬方兮周無垠物  
類億千兮莽莽、出入日月兮運星辰廣必  
有容兮潛姦昏不上魃兮帝曷聞歲庫申兮  
斗建己旬逾十兮雨不施秀者焦兮實者悴  
麥莽、兮不出塊蘓穀既沒兮待新以食奪



其所望兮民憂以惑捨來而兵兮奪攘剽賊  
急不知慮兮求生頃刻民幸帝兮詔雲師氣  
朝升兮歛陽暉孰鼓風兮震川岳上者揚兮  
旁者剝雲雖仁兮不得施野童兮草木摧  
孰揚塵兮蔽朝日紛霏兮冒萬物昏迷蒙  
兮浩恍惚瞭者猶兮失南北瘞根莖兮腐葩  
實世慘錯兮澤蓬煇霍然兮侵萬室飄雨  
塵兮以旦以夕民曰誰為兮尸是有物其名  
曰魃兮旱是司惡潤忘澤兮盜陽威淫視稿



木兮疾華滋憎飽妬飫兮幸民飢亢不伏兮  
風以剛之慘懷柔茂兮塵埃是吹來炎火兮  
爛熳煌馭回祿兮驂畢方朱旗旒兮絳帷裳  
坦無畏兮樂洋洋：朋疫癘兮友疾殃徒甚劇  
兮黨甚強慢帝威兮分害戕竊祠禱兮傲驅  
攘民賴帝仁兮以衣以食上帝孔昭兮愬無  
禍責幸帝震怒兮降魑罪疾無俾在世兮幽  
沉深溺雷伐鼓兮電揚旂雨卷壑兮雲惟  
泛游澤兮湛甘滋充槁瘠兮奮枯萎禾黍茂



分蔬果肥歲既登兮民飽嬉康帝兮民思

幽斯魃兮宥無期

叙雨有序

福昌之民有禱旱于西山者取山之泉一勺  
祠之不數日而雨邑民言旱歲取水以祠輒  
應且其取之者非特福昌也張子神之作歌  
以揚之

西山之泉兮冽以清淳注萬古兮無戲盈應  
龍蟠守兮謹防尙有神司之兮帥郡靈神君



曷處兮山之穹雲郭霧闕兮都邃宮騰駕逸  
景兮馭清風上友仙聖兮佑帝躬惟今之旱  
兮非神曷懇家無餘糧兮麥不庇土飄塵  
揚兮迷行錯步魃威孔張兮熾莫余禦挹水  
一勺兮荐羔豚曷求于水兮神實憑山有蔬  
兮林有實芣馨香兮蒞芳鬱神我饗兮臨我  
堂酌芝醕兮御椒漿巫甚祗兮將甚良哀我  
疾兮降我祥神君仁兮念下民撫民炎兮號  
帝闕帝念神君兮詔兩官叱馭九龍兮奮飛



而騰奔角毛羽鬣兮爛鱗、前幢後旃兮互  
雙輪推轟喧訶兮翻乾坤神龍九鬣兮雜蛟  
鯤瞳眼飛涎兮翻鬻鰓伏潛羲和兮止星辰  
一洒萬里兮傾河津妖風失威兮歛以奔魑  
濡厥棠兮伏以躄槁蘇焦澤兮息煖焚優渥  
潤沃兮無涯垠菽藎說、兮奮裳紳秋種既  
即兮農則勤既足而止兮披霧昏朝陽清明  
兮歛游塵功成不居兮駕歸雲空山寥々兮  
夜無聞靈泉出、兮湛齋淪竭誠莫報兮仁



哉君

友山

張子官于福昌塊然獨居無與為友賓客不  
至遺朋失舊經時閉門終日鉗口出無與遊  
居無與就誰同我食誰酌我酒歸守妻孥出  
對廝走駕言出遊田童野叟氣否莫交情乞  
一不剖塞聰蔽明盤足袖手披書閱簡眩目疲  
耐猷然成痼不可針灸于是張子滌慮除煩  
披廷掃堂枕手而眠恍若有遇有神降焉曰



我實哀汝獨無友朋我有教告子乎我聽凡  
世之人百愚一賢古昔所歎非獨今然得賢  
與朋善固無儻不可得 將愚與比友賢實  
難幸然後值不幸友愚與無孰利諂笑傾辟  
諂情晦實測心獻計因隙投策口是腹非面  
歌背泣友若此者實繁孔多曷若不見日清  
耳和我復告子真友之實爾遵我言友胡有  
竭人物雖殊可友同焉賜爾以友其名曰山  
居汝左右在汝北焉端不汝去澹兮絕言春



鹿夏繁秋踈冬瘦霞霧融明風馳雨驟孤楫  
橫奔牢屯巧鏤傲岼軒昂清華潤秀對食臨  
眠排堂入牖效技汝前雖勞不疲山有佳泉  
多灌甬園歷石懸空冷々清漱如聞妙音濯  
煩浴垢不猶愈乎早議庸讀過耳增懣入心  
善煩者乎山有修竹汝園是植靜麗明鮮端  
虛正直如彼正人揚言發色微風散碧宵月  
鏤白不猶愈乎市兒塵顏歌眉鼓吻佞笑浮  
言工為媚悅善佞曲拳者乎山有喬木聳立



而峙端無媚姿若對正士障雨蔽暘千人所  
比微颺披拂吹奏竽籟不猶愈乎蠕々鼠輩  
女黠兒嬌奴趨妾拜者乎山有好鳥清喉麕  
羽引嘯長鳴群呼迭語夜管風絃哀篁怨柱  
不猶愈乎卷歌里舞促縮跳梁顛妖淫汚父  
子不施棄禮忘數者乎如前實繁言胡可殫  
汝與之樂右攀左援曷為子々寤寐嗟歎張  
子再拜受言永懷解累止憂心甬志開高山  
崑々流水潺々竹茂木翹鳥鳴琅然如前夷



齊而後閱顏吾何為乎浩然其間

種菊有序

張子病日眩而視昏醫有勸食菊者春夏食  
葉秋冬食花張子以謂菊華于草木變衰之  
際而又功足以禦疾類有德君子因求而植  
諸庭焉

何馨香之芬敷兮昌綠葉而紫莖是其名為  
菊兮爰植子之中庭性清平而不躁兮味甘  
爽而充烹當秋露之慘淒兮舒煌々之華英



色正而鹿兮氣芬以清純靜秀潔兮族茂群  
榮採食以時兮天和以寧穎輕竅達兮瞳子  
清明散敗流渴兮風宣滯行仙聖所餌兮屏  
除臭腥久嗜不廢兮將延爾齡嗟予生兮蹇  
薄煩寘憂飢畏寒兮微祿以生終曷歸兮山  
林是營膏粱鼎食兮方丈縱橫炙熊之蹠兮  
龍醞羊羹彼得有命兮吾奚甬榮惟茲佳菊  
兮野實以生採擷咀食兮薦俎盈登求之孔  
易兮世焉莫爭我有久疾兮壅塞煩昏支節



堅痺兮氣闕于元憊不能支兮外壅中乾疥  
癬得志兮螻蛄伏蟠食華秋冬兮食葉春夏  
集新易故兮南功是假寧康我軀兮骨節堅  
良產和剔戾兮其樂洋洋反華于玄兮易瘳  
以強忘生絕俗兮深潛遠藏駭駕雲霧兮呼  
吸太陽招友彭咸兮御風以翔吁嗟此菊兮  
吾于南望

逐虵有序

福昌官居北負山為堂有大虵穴堂北時下



石鼓卷十  
飲堂南水中人皆以為神見者不敢逐或禱  
祠焉張子曰是吾居也虵安得而處之且虵  
甬安有所謂神者作文以逐之

嗟堯之時兮大水滂橫潰四海兮包陵崗蕩  
流湧汨兮周無傍龍騰虵奔兮嬉以狂腥鱗  
頑鬣兮更披猖城居穴處兮亂厥常頽虫糾  
結兮肆害戕陸盤淵據兮傲不臧朋屯黨集  
兮蕃以昌穿穴噬嚙兮民盡傷下民既病兮  
帝弗康黃能幽極兮羽山陽乃命伯禹兮行



四方乘高趨平兮陸復航鑿山疏原兮導河  
江萬水下走兮來洋：經畫九野兮興農桑  
驅龍放蛇兮屏諸荒焚山燎野兮無遺芒野  
巢窟居兮保厥彊敢有弗率兮斷甬吭伯益  
作志兮稽妖祥帝虞堯勲兮黜子商天授神  
禹兮夏是王九牧作貢兮金鑑鎡大冶鼓鑄  
兮騰精鋳嶽：九鼎兮峙且剗奇形詭質兮  
走與翔鱗毛羽裸兮雜短長求情抉態兮幽  
微彰制馭百怪兮嚴紀綱獸虫人鬼兮安其



鄉殊宮別城兮異存止冒為茲地兮宅我居  
妖頑堅老兮傲驅除深潛居山兮坦無虞下  
飲我沼兮稍林株朱眸丹舌兮玄鱗膚恍惚  
遽速兮疑有無居者畏避兮行者除險奪我  
圃兮駭我徒盜竊切祭禱兮欺群愚我咨爾地  
兮潛山而穴野陰蟠遠伏兮與人乎異舍冬  
居夏游兮時以衡食甬之食兮朋爾朋僭亂  
我居兮常失經叛棄甬守兮帝有刑胡昏與  
頑兮居以寧自為不寧兮邀剽烹荒戾天理



兮悖聖程我宥甬德兮逐甬行亟舍故處兮  
遐以征南山之幽兮雲霧冥草木蒼蔚兮嶮  
不平甬徒實繁兮食爾盈捕取不至兮居  
無與爭汝生孔遂兮壽綿甬齡物違其常兮  
禍之所集豐狐晝游兮冬裘以白龜獸淵處  
兮吉凶是卜虎不畏人兮皮包戈戰矜險恃  
孽兮其終鮮克我言孔昭兮語汝以理日吉  
時良兮汝適以逝

登高



懷不展兮居無聊默諱語兮浩長謠寫我心  
兮登彼高陟萬仞兮捫九霄命清風兮披浮  
雲瞰四荒兮視天垠大海蕩瀟兮潛龍鯤吐  
吞日月兮制昏明醞釀元氣兮函星辰羽載  
四海兮芥浮坤四在列峙兮嵩中躡牽連脉  
絡兮子復孫草蔓木布兮升降如朋障南蔽  
北兮東散西分如掌列塊兮盤羅豆罇黃流  
中貫兮發源崑崙東驚大海兮縈如縵坤南  
方炎兮火之所宅朱鳥屹峙兮丹膺絳翮



騫飛以翔兮輝煌爛熳從擁萬羽兮紛羅羽  
翼煌煌尊嚴兮有斗在北升降玉都兮運量  
帝側呼吸陰陽兮秉持禍福真仙逍遙兮澹  
不可挹西有王母兮戴勝穴居壽歷萬古兮  
忘終氓初起遼恍惚兮獨與道俱騫日月  
兮群靈走趨既又左而東顧兮觀大明之始  
生震沛九淵兮麗天披攘群陰兮重幽  
昭明有神司馭兮朱震絳纓呼造物以致問  
兮吾將放乎太初彼天地其孰始兮日與月



其代除四荒漫其何極兮人胡為而中居火  
何為而南宅兮水孰使其在北安知東之主  
生兮西配刑而主殺斗建寅而氣分兮疇為  
四時之消息世徒知其已然兮遂推類而立  
說彼厥初其誰造兮孰布施而殊別抑其不  
得不然兮或者私智之所設將忽然而自爾  
兮遂已成而不可絕造物為余寃察兮曰此  
曷可以言陳而意悉彼渾沌之一氣兮吾不  
知誰合而為一忽洞達而兩分兮夫亦安知



其誰闢爰升清而降濁兮水赴陰而火陽東  
升氣而敷生兮西或成而害戕強名之曰自  
然兮曷足以究其必至謂不得不然者愈踈  
兮尚安取于私智莊周誕而妄推兮夏華愚  
而臆對世號余曰造物兮余亦曷有所主尸  
苟待余而後造兮彼造余者復誰姑置之而  
勿投兮任萬物之自成游小智于太初兮何  
異夏虫之語冰曠任之而勿疑兮萬里會而  
一平夫何造物者闢余兮神飄而不居我



將赴而遠遊兮，招神聖以為徒。騰九螭之奔輪兮，追飛電而攬奔風。周萬里于一息兮，堂西極而有九區。叩玉闕之九闕兮，覲上帝于絳都。酌瑤尊之芳酒兮，招赤松而友彭祖。既錫我以難老兮，黜嗜慾而襲靈。爰侑我以秘藥兮，合千簫而吹萬竽。樂吾心之洋洋兮，舒五體之與。隆復還于我室兮，聊彌日而一娛。

子由先生云東坡公所和陶靖節歸



去來辭及侍郎先生之作命之同賦  
未輒自憫其仕之不偶又以弔東坡  
先生之止終有以自廣也

歸去來兮行世不偶余曷歸其出無所為喜  
兮去而何悲嗚一世之無與兮古之人逝莫  
追求不疚于余義兮又奚恤餘子之是非彼  
好惡之罔極兮或顛倒其裳衣顧吾涉之已  
深兮愧哲人之見微吾歸甚安無所事奔既  
守吾室又杜吾門一氣孔神于中夜存納至



和于靈根兮挹天醞于玄尊既充溢于幽闕  
兮亦粹然而見顏往有坎而茲夷兮昔或危  
而今安將從化人于西域兮面藏吏于函關  
將以一世為芻狗兮廢與興吾猷觀彼福甌  
之一源兮必茲出而茲還彼自以為無隙兮  
何異夫石擲之盤桓歸去來兮吾悲夫斯人  
不起兮豈招仙聖與之游昔惠好以好音忽  
遠去而莫求余冒異于世入兮初為哽塞而  
增憂彼錢鑄則深藏兮盍視夫已墾之田疇



萬古芸々共逝一舟半夜而失旦號其丘畏  
達觀之謂余沛已泣而不流悟榮名之取憎  
兮善斯人之獲休已矣乎萬物之作各其時  
吾獨與時而去留豈或能力而違之既往莫  
或追來者尚可期蓋兩暎之在天豈吾稼之  
不耔彼蜀雄之必傳作猶愧于書詩嗟身屈  
而道伸于斯人兮曷疑

張右史文集卷第七



石印卷七

七

開	化	圖	書	館
ca	ln	u	a	l
l	l	b	r	a
r	y			



張右史文集卷第八

古詩

休日同宋遐叔詣法雲遇季公擇黃  
魯直公擇烹賜茗出高麈盤龍墨魯  
直出近作數詩皆奇絕坐中懷无咎  
有作呈魯直遐叔

休日不造請出遊賢友同城南上人者宴坐  
花雨中金猊散香霧寶鐸韻天風鳥語演寶  
相飯香悟真空尚書三二客淨社繼雷宗黃



子發錦囊句有造物功握中一寸煤海外千  
年松誰降午睡魔賜茗屠團龍鬼子卧城西  
咫尺不可遙豈無坐中客終覺此公歸帽  
見新月撲袵塵暮紅困眠有餘想却聽寺樓  
鐘

挂虎圖于寢壁示桔槔

畫工出幻事縞素發原藪蕭々白茅低凜々  
北風走觥然老子菟舉步安不驟目光炯醜  
射怒吻呀欲受彼彪擲其旁文彩淡初就雖



然窈形似已足走百獸煩君衛吾寢振此蓬  
華陋坐令盜肉鼠不敢窺白晝

神運殿望香爐天池守岿晚宿官廳

明日早發

遠公不出山坐受天龍供地祇敢愛寶木石  
親輸送巖：千年屋山立屹不動風雲宿俯  
梁星斗近華棟亭：碧百爐簷蔔時自涓五  
雲巖擁衛天樂下變凰神池閔寶像光恠發  
巖洞誰能陟其顛手攬湖龍鞚東堂黃金藏



石史卷八  
二  
寵像儼環拱蕭條亡國輦拙樸昔誰用掃堂  
為一睡清極乃無夢思歸成晨發結束勤僕  
從鴻鐘振林莽月落朝嵐重再往墮渺茫猿  
鶴應嘲諷

贈張公貴

我昔為諸生奉書諫議公後來辱稱獎禮數  
賓客同決科甫弱冠年少氣如虹歸來陪後  
乘不責醉後茶孤舟梁宋郊旅態萃百窮拜  
公睢陽府笑語若春風人事不可期俯仰異



吉凶平生丹灶術馬鬣哭新封十年得吾弟  
懷舊涕沾胸清貧守家法眉宇肖德容交臂  
是非外為寮兄弟中東軒語長夏葵竹羅清  
紅西舍雪夜懽玉顏醉瑤鍾欲飲徑相就三  
更叱閣翁鯨吸絕遺滴山頽信傾岵搜抉盡  
醬茹楂梨倒蔗籠通宵兩沉醉午起頭如蓬  
人生定當甬事去挽驚鴻河梁繫君馬一笑  
喜相逢憐君碧紗幌夜淚哭葦叢我方困藜  
鹽酸寒官辟艱同尋舊游地塵壁罨絲蟲啼



鳥古寺間夏陰小園空酒市逢好：琵琶失  
玲瓏歌舞一分散賓僚亦西東忘情猶一歎  
齊物論非通官冷隱朝市端能信余慵人生  
當富貴子益自磨礪便當隱五車一、貯心  
胸功就螳作堦叢成蛇化龍北郊分袂歸作  
惡驚兒童長謠代晤語發子一笑哄

離黃州

扁舟發孤城揮手謝送者山回地勢卷天豁  
江面瀉中流望赤壁石脚揀水下昏、烟霧



嶺歷々漁樵舍居夷實三載隣里通假借別  
之豈無情老淚為一洒篙工起鳴鼓輕櫓健  
于馬聊為過江宿寂々樊山夜

宿樊溪

黃州望樊山秀色如可鑒扁舟橫江來山脚  
繫吾纜大川失洶涌淺水澄可攬北風吹踈  
雨夜枕舟裏撼齊安不可望滅沒孤城暗奔  
流略溪口龍蜃屢窺瞰平生千金質戒懼敢  
忘暫茲游定何名耿々有餘念



道士磯

匡廬奠九江苗裔遍南服橫江蔽原野內外  
實一族危磯挿江生石色擘青玉蛟龍穴亂  
石孫獍在喬木我行季冬月江蹟在山腹扁  
舟如鏡面清淨不可觸躋攀既不可千古長  
幽獨緬想遂古初巢居戒樵牧

離樊口宿巴河遊馬祈寺

扁舟下樊溪江南正清瀉曉登巴河岸極目  
望春野步尋備竹寺古木爭偃亞云昔孫仲



謀雲 致師禡雄圖邈已矣英槩足悲以石  
梯造雲霧丹白開廣夏山僧安寂寞畏冷不  
出舍勞生渴闕境損使我心寫晚江平若席  
風勢欲相借

龜陵灣阻風三日遙禱孤山而風止  
積水多疾風三日阻我舟天寒波濤惡岸屈  
騰龍虬五更船篷鳴冷風入衾裯平明諸山  
雪爛熳鋪琳球篙工笑相顧白我巴船頭水  
愧小孤神霧鬢橫星眸倉卒禱即應知我厭



滯留積晴景物好柳色含新  
春風我故舊

迎我入東州

自離富池凡三禱順濟龍求便風皆  
獲應又風日清霽舟行安穩委曲如  
所欲感而成詩

旗尾指船頭篙工告風便張帆施雙舳去勢  
如脫箭船傍兩高山過目若流電波平船穩  
駛客寢兀未變吾聞西江龍神力回宇縣往  
來萬夫禱正直乃獲願嗟予何所恃誠確無



所薦神豈哀我窮有賜不待獻乃知人窮我  
本不坐神譴人間事若異未易以言辨坐令  
千里遠近若在几研慙非謝宣城攫筆賦靜  
練

自黃州至巴河游靈巖寺觀孫仲謀  
刑馬壇相傳權于此刑馬祀江神遂  
提師伐壽春云

喬木隔塵埃華堂敞深僻人靜好鳥鳴睡餘  
踈雨滴悲秋感蕭瑟弔古披荒寂尚想紫髯



石鐘山記卷八  
六  
翁誓師沉馬壁

自廬山迴過富池隔江遙禱甘公祠  
求便風至黃瀝酒而風轉日行二百  
里明日風猶未已又風勢徐緩不奔  
駛可畏甘公蓋吳將甘寧云

江邊古祠吳甘公往來祭禱嚴且恭我離匡  
山已經宿舟挽不進篙工慵沙邊朝服遙致  
禱澆酒未竟天回風一帆百里至還作不徐  
一不疾來雍容我生久已甘困滯神亦何事特



哀窮但疑神理與人異  
意誠辭直無不通  
林皇夜泊若平地  
疑有鬼物驅蛟龍  
天明旗腳向北指  
舟子笑語開船篷

元符庚辰來同男  
秬率潘仲達同遊  
匡山六月望日  
齋安罷官步登  
客舟過樊口李  
文叔棹小舸相  
送遂下巴河上  
靈岩寺有何與  
猶石記云昔孫  
仲謀伐壽春于  
此祀天祭江刑  
白馬故山名馬  
祈寺有法堂頰  
華敞曰與潘李  
飲酒賦詩其中  
明日至



新陽登梁昭明太子廟遂宿具禱順濟乃  
發候風林皇港見江中黑物類獺又有尾  
鬣相逐馳久之激水高數尺風定而去過  
道士磯石壁色正青挿水中又十里所過  
五兩磯遂泊富池禱甘公祠晨發富池望  
匡山諸峰半皆在雲中晡時至潯陽捨舟  
登陸晚宿太平觀冷翠亭時十八日也十  
九日過鄒志完晚大雨將醮雨霽中夕醮  
罷復雨觀人異之二十日游東林觀神運



殿禮遠公像見晉安帝輦游磨院遂登白  
公草堂讀歐陽文忠公題石上五杉閣而  
歸晚沿東林納涼神運之南望香爐天池  
化成二十一日出山此其大畧其詳屬潘  
郎潤色

風駛浪湧仲達喜其快因作一篇

人生不欲甚快意遲速到家還一致向來白  
浪涌如山舟中呀呷幾喪氣我師

學不

動頗覺蒼茫忘定慧憑河不悔聖所非君勿



為笑而為戒

題廬阜官廳壁

平生山水興今夜宿東林  
落日樓殿影西風動梵音  
雲橫杉閣迥雨過虎溪深  
脚力猶堪在他年當重尋

出山

青山如君子悅我非姿媚  
相逢一開顏便有論交意  
今晨決然去慘若執我袂  
謂山無見留此事寧久置  
道邊青髮翁下有白玉髓  
斲



之龍蛇窟自足飽吾世平生耽幽獨乃若忘  
朝市一官等塵垢安得敗成計草堂醉老子  
虎溪大開士寄語二主人為留三畝地

朝雨

幽居感節物僧舍值朝涼空簷落寒雨滴  
響秋堂低飛林間隔濕羽不能翔危葉別故  
枝幽花泣晚芳悠悠清夜睡促織催朝光日  
月愴已徂吾行獨迷方采采幽圃蘭歲晚自  
馨香君子建明德勿為兒女傷



離陽程

驅車發潁川回望失嵩少  
霜氣塞層空黯淡  
寒日曉原田際天平  
百里見飛鳥累：道傍  
丘石獸卧衰草不知誰氏碑  
剝裂偶未倒支  
離見隸字書帶漢筆妙遺墳不可問  
文彩竟何効永年恃金石此計久可笑  
昔遊已三歲存歿傷懷抱  
飽諳人世憂安得身不老

次潁川

許昌古名都氣象良未替  
客子遠道來塵埃



滿襟袂黃昏造孤  
買飯嚙枯齧庭寬蟾蜍  
高霜氣徹寒被賴携朱提杯可具一飲費無  
人勸我酌孤獨伴客醉笙簫誰家樓語笑月  
中市何人不行樂而我獨涕淚夜長更漏稀  
風急鼓聲駛天明卷席去行止隨所值

昭陵六馬唐文皇戰馬也琢石象之  
立昭陵前客持石本示予為賦此

天將剗隋亂帝遂六龍來森然風雲姿颯爽  
毛骨開颯馳不及視山  
儼莫回長鳴馳八



表擾々萬駕駘秦王龍鳳姿魚鳥不足催腰  
間大白羽中物如風雷區々數豎子縛取如  
提孩手持掃天帚六合無塵埃艱難濟大業  
一一非常材惟時六驥足績與英衛陪功成  
鏘八鸞玉輅行天街荒涼昭陵闕古石埋蒼  
苔

同楊二十緱氏寺宿草酌張正民秀  
才見訪

契濶千里別惻愴難具言殷勤一宵語願子



未即眠空堂燈火青旅竭借僧糧芳：一盃  
酒不解道路寒經年相從樂既別亦徒然人  
間事盡用聚散亦何嘆但悲多難身尚獲朋  
友視問閨有憂中一笑有萬錢張子年未雄  
已冠群少年巉々生我側紫駢秀雙額壯志  
激衰懦清談破愁煎天明即分散奈此情恂  
恂

初到都下供職寄黃九

千里不相見勞々復何辭不無一城中耿々



今我思僦舍酒家樓  
椎櫨卷其旗鼠壤  
晨  
炊守翁噪群兒  
馬傍挨兩羸  
雙踵待刻移  
五日長安塵  
故山夢中歸  
何以洗我心  
望君青  
松姿懷情久  
不吐古屋絃  
悲詩

次韻魯直夏日齋中

文章慙翫髀  
談舌罷永雋  
年來屏百事  
但願  
兩耳靜  
黃公安禪室  
不覺在市井  
客來飽清  
風  
可是徒造請  
犧尊與樗社  
安計幸不幸  
願  
君妙觀察  
金門寺雲嶺



晚歸寄无咎二首

雨氣入古屋薄帷生夜清想君擁鼻坐端學  
苦吟生泥深欺我馬歸取日半楹浩然有竒  
想非子定誰評

屋東雲移山屋西日半壁餘天一劍清遠兩  
萬絲直官事痴可了未遭官長責惟應晁夫  
子不可別頃刻

送李際秀才南歸

咽：幽谷泉蕭蕭秋竹風豈不愛孤潔但傷



愁且窮李子南國秀滄溟貯其胸出試輒不  
偶低頭避兒童離家五十里客飯苦不豐冷  
落卧寒齋苦吟和秋蟲昨者投我詩九嘆閱  
未終欲知作者心但視讀者容文章出貧賤  
此事今古同但願子富貴不願文日工今日  
告我別出門驚若鴻各在天一方何當復相  
逢

西山寒溪

茲行頗闕暇聊此一作山水間幸有所携人



臭味同一源山溪並修澗嘉木間蒲蓮杉松

開鳴一作古刹一作始覺此溪寒孤亭出屋背

相石磴牽攀迎客窮道人俯俛鬢眉斑釋子

草一作具粗糲雖貧有餘歡醉一本有三杯徑就

午馳一作登西山去路一作路作九曲彎山禽慣

不驚夏木秀且繁緬懷紫髯公奠祠天王壇

豪強雄一作有遺韻興廢消一作無留觀空巖一

泓泉引余掬清甘泉一作眼明巖間至人悲熱

惱遺留一作此消待煩驅一作我茶非世間茶一作



天上蒼月團為爾惜不得烹啜一作瀟澆晨飡

深一作出谷晚易陰快清一作清雨時班一作潺但

見爽道松龍髯濕蒼顏念一作懷我亦閒人深

一作屏居閑一作門柴一作深閑不使倒珠玉使一作

濟我胸中慳之官亦漫浪遇勝却一作即盤桓

平生據頑鈍信命傲憂患言歸徒旅一作御疲

就蔭休征鞍

送張天覺使河東席上分題得將字

張侯蜀都秀玉立身堂手持明光節六月



登太行三晉雄中夏朔方臨大荒傳教賢使  
者父老相扶將控弦百萬戶十年廢耕桑但  
使耜鋤犁自然息桁楊主人延閣老別酒泛  
蘭觴寄教梁諫議欲試紫參方

梁欲寄上党參久未至也

讀中興頌碑

玉環妖血無人掃漁陽

潼關戰

骨高于山萬里君王蜀中老金戈鐵馬從西  
來郭公凜々英雄才舉旗為風偃為雨洒掃  
九廟無塵埃元功高名誰與紀風雅不繼騷



人死水部冑中星斗文太師筆下蛟龍字天  
遣二子傳將來高山十丈磨蒼崖誰持此牌  
入我室我使一見昏眸開百年廢興增嘆慨  
當時數子今安在君不見荒涼沼水棄不收  
時有游人打碑賣

書館直舍

紫禁斷人散蓬山轉春日樓外晚鼓傳城陰  
衛番出循除擷新秀紅紫間踈密倚元黃金  
鬪龍虎氣鬱律明時賦鉛槧寓直守編帙踈



問謝裨補歲月感飄忽謝公山林賞不為軒  
冕屈體道無朝野達情慙利物

宣城至日謁天慶觀行香呈郡寮

溪山慘殘歲况乃值深冬清晨率其屬肆禮  
凝琳宮漠、冒厚霧淒、隔水風南方異氣  
候霜葉未全紅忽憶簪史筆早趨闕蒼龍拜  
舞東閣上佳氣鬱匆、談笑出右掖交游盡  
英雄老大心已矣依然魂夢中

秋日獨酌懷榮子邕



新秋一盃酒風雨早涼天  
眷言西鄰友咫尺  
莫能前豈無病羸馬泥滑不勝鞭  
端居何為者  
落莫掩書眠高柳颯已踈  
碧草留餘鮮衰  
懷感徂節客舍悲流年  
孤吟誰與和獨酌還  
醒然新晴野路乾  
期子邊

夜初涼

庭木舞風雨清秋來我堂  
衾裯偃宵寐燈火  
照新涼惜我來清穎  
庭花有晚芳坐看桐葉  
暗已近菊枝黃  
歲月忽流駛形骸變老蒼  
淹



留應有命通塞詎能量寂歷年華晚優游永  
日長憂時非我事黃卷有虞唐

題陸羽祠堂兼寄李援、有詩殊佳

陸子不可招寂寥風月魂空堂掩遺像幸此  
配老禪舉世人澆薄云誰知子賢竟陵樵牧  
地陳迹豈復存我欲歌子詩三歎撫無絃瓦  
登荐秋菊酌此石屏泉

清詩弔陸子味若堂下泉陸子骨已朽青松  
代之言松亦安能言風至時蕭然至談非牙



舌陸子意已傳

張右史文集卷第八

石史卷八

十六

上海圖書館  
shanghai library



開化圖書館

Kaichua library



開化圖書館

Kaichua library



開化圖書館


Kaishua library



開化圖書館

Kaichua library





張右史文集


二

開化圖書館  
Kashima Library



開化圖書

Kaithua library



Centimetres **TIFFEN** Color Control Patches © The Tiffen Company, 2007  
Blue Cyan Green Yellow Red Magenta White 3/Color